



Inatsisartunut ilaasortaq Kristian Jeremiassen, Inuit Ataqtigiit

Nassuttuumi eqqakkat pillugit pinngortitamullu eqqaasarnermut inatsisit sukaterneqarnerunissaat pillugu, § 37 naapertorlugu apeqqummut nr. 93-2026-mut akissutit


Asasara Kristian Jeremiassen

Inatsisartut Suleriaasianni § 37, imm. 1 naapertorlugu, Nassuttuumi eqqakkat pillugit pinngortitamullu eqqaasarnermut inatsisit sukaterneqarnerunissaat pillugu Naalakkersuisunut apeqquqarputit. Apeqqutit uannit akisassanngorlugit innersuunneqarput.

1. Nassuttuumi eqqakkanik saliisitsinissamat Naalakkersuisut pilersaaruteqarpat?

Akissut: Aap, Naalakkersuisut Nassuttuumi eqqakkat katersorneqarnissaannut immikkut ittumik aallarnisaasimapput.

Nassuttooq nunatta kitaani nunami allanngutsaaliugassamiippoq, tamanna 1. juni 2026-mi atuutilertumi. Nunap allanngutsaaliugassap suliarineqarneranut atatillugu Avatangiisinut, Pinngortitamat, Nukissiuutinut Ilisimatusarnermullu Naalakkersuisoqarfik, Qeqqata Kommunia Kommune Qeqertalillu innuttaasunik arlaleriarlutik ataatsimiisitsinikuupput. Nuna allanngutsaaliugassaq pillugu paasissutissanik amerlanerusunik katersiniarnermi ataatsimiinnerit ingerlannikuupput. Innuttaasut arlallit, Nassuttuumi eqqagassaqarpallaarnera eqqartorpaat.



Nassuttuup nunatut allanngutsaaliugassatut inissisimalernerata kingorna naalakkersuisoqarfik kommunillu, eqqakkat katersorneqarnissaannut, avataaniit aningaasaliisussarsiorsinnaanngorsimapput. Suliniut BestLife aqutugalugu EU-mit aningaasalerneqarpoq 1. maajimilu 2026-mi aallartinneqarluni.

Naalakkersuisoqarfik kommunillu taakku marluk nunami allanngutsaaliukkami eqqakkat katersorneqarnissaannut maannakkut piareersaapput pilersaaruserlutillu. Suliniut marlunnik immikkoortortaqarpoq:

Allakkat ulluat: 19-06-2026
Sulap normua: 2026 - 10289
Allagaatip ilisarnaataa:
26520214

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Eqqagassaqarnerpaat sumiissusersineri taakkulu salinnissaat, kommunit marluk Avannaata Kommunia taavalu Kommune Qeqertalik isumagissavaat.
2. Saligaatsoq suleqatigalugu innuttaasunut paasititsiniaaneq. Paasititsiniaanikkut, kommunini taakkunani innuttaasut sumiiffimmeereernerup kingorna eqqakkanik katersisarnissaannik kajumissaarneqarput.

Immikkut ittumik salinissamut aningaasartuutissat katillugit 100.000 eurot missaanniipput, tamanna 747.000 kr. missaannut naapertuupput. Taakkunani EU 712.000 kr. missaannik aningaasaliivoq, naalackersuisoqarfillu 35.000 kr. missaannik aningaasaliilluni. Aningaasaliissutit nunami allanngutsaaliugassami suliniummut atorneqarput, sulisut akissarsiassaat sullissinerillu ilanngullugit. Kommunit eqqakkanik tunngatillugu suliniummut aningaasaliisussaataangillat.

Aningaasartuutissat sumiiffimmi eqqakkat suussusersinissaannut tamaasaluunniit peernissaannut naammanngillat. Taamaattumik ajornartorsiutaanerpaat kommuninit salliutinneqassapput. Suliniummut aningaasartuutissat apeqqutaatillugit pingaarnersiuisoqassaaq. Annertunerusumik saliisoqartariaqarpat, naalackersuisoqarfik kommunillu suliniutip ingerlaannarnissaa anguniarlugu siunissami periarfissanik misissuissapput.

Suliniuummi aamma, sumiiffimmi innuttaasut eqqakkanik katersuinissaannut kajumissaarneqarnissaat siunertarineqarpoq. Sumiiffiup saligaatsuutinnissaanut kikkut tamarmik akisussaassuseqarnissaat anguniarneqarpoq. Tamanna ilutigalugu siunissami suliniutissanut pilersaarusiortoqassaaq, tassani pinngortitamut nunamilu allanngutsaaliukkami atuisunut iluaqutaasussamik, innuttaasut kommunillu saligaatsumik avatangiiseqarnissamut qanoq qulakkeerinnissinnaanersut ukkatarineqassalluni.

a. Saliisoqassappat qaqugu saliisoqassava?

Akissut: Nunami allanngutsaaliukkami, tassanilu Nassuttuumi, 2026-mi aasaaneraniit 2027-milu upernaap tungaanut kommunimit saliisoqarnissaa naatsorsuutigineqarpoq. Saligaatsoq suleqatigalugu paasititsiniaanissap ingerlanneqarnissaa 2026-mi aasarmanna ukialerneranilu naatsorsuutigineqarpoq.

b. Nassuttuutaani salinissaq ilanngunneqassava?

Akissut: Nassuttuutaa nunap allanngutsaaliugassap avataaniippoq, taamaammat immikkut ittumik salinissamut ilanngunneqanngilaq. Nunamiilli allanngutsaaliukkamiit uternermi, eqqakkat amerlanerusut katersorneqarsinnaanersut aammalu Nassuttuutaani saliisoqassanersoq kommuni naliliissaaq.

2. Pinngortitamut eqqangassanik qimangaasartut pillugit inatsit Naalackersuisut sukannerulersinniarpaat?

Akissut: Kommunit killeqarfimik iluanni eqqagassalerineq eqqakkanillu paaaneq oqartussatut pingaarnertut akisussaaffigaat.

Naalackersuisut isumaqarput, avatangiisinut inatsisit atuuttut, avatangiisinut eqqagassalerinermullu tunngatillugu malittarisassanik atuutsitsinissamut kommuninut periarfissiilluartut, ass. qanoq eqqagassalerisoqarnissaa aammalu qanoq paaasoqarnissaa pillugu eqqagassanut malittarisassat. Kommunimit kikkut pinngortitamut eqqaasimanersut paasineqarpat, akisussaasunut iliuuseqarnissamut aamma kommuni inatsisitigut periarfissaqarpoq.

Taamaattumik Naalackersuisut isumaqarput, maannakkuugallartoq suliassaqarfimmi inatsisitigut allannguisoqarnissaa inatsisilluunniit sukateriffigineqarnissaat pisariaqanngitsoq.

Aammattaaq § 37 naapertorlugu apeqqummut nr. 138-2021-mut akissuteqaat innersuussutigineqarpoq.

Inussiarnersumik Inuulluaqqusillunga



Jørgen Rosbach

INUIT ATAQATIGIIT INATSISARTUNI



19. maj 2026

Inatsisartut Suleriaasianni § 37, imm. 1 naapertorlugu apequtit tulliuuttut Naalackersuisunut apequtigaaakka:

Apeqqutit:

1. Nassuttuumi eqqakkanik saliisitsinissamut Naalackersuisut pilersaaruteqarpat?
 - a. Saliisoqassappat qaqugu saliisoqassava?
 - b. Nassuttuutaani saliinissaq ilanngunneqassava?
2. Pinngortitamut eqqangassanik qimangaasartut pillugit inatsit Naalackersuisut sukannerulersinniarpaat?

(Inatsisartunut ilaasortaq Kristian Jeremiassen, Inuit Ataqatigiit)

Tungavilersuut:

Nassuttooq inuuniarnitsinnut neqissaqarnikkut annertuumik pingaaruteqarpoq aavartartunut, neqissaqarnikkut imminut pilersornermut pingaaruteqartorujusooq, ukiorpassuilli ingerlaneranni eqqangassat amerlatsikkaluttuinnarsimapput nammineq suliarissallugit annertuallaalersimallu.

Taamaalilluni ataasiartumik saliinissaq pisortat ikiuullutik pisariaqalersimavoq motorikut, umiatsiaq allallu angisuut ukiut amerlasuut ingerlanerani qimaannarneqartarput taamaammat iliuuseqarnissaq pingaaruteqarpoq pinngortitap salinnissaanut.

Nassuttuutaani siornatigut Naalackersuisunut apeqquteqarnikuuvunga aamma commune Qeqertalimmut apuussinikuullunga ukiut 5-it iliuuseqartoqanngilaq aavartartut, commune, Namminersorlutik Oqartussat saliinikuunngillat. Nassuttuutaani saliisoqartariaqarpoq siornatingullu assit saqqummiunneqarnikuupput innersuuppakka apeqquteqarnerma kingorna 2021-imi tusangassiutini assit saqqummiunneqartut.

Taamaammat paaserusuppara Nassuttuumi saliisoqarnissaanut pilersaaruteqartoqartoqarnersoq.

Inuit namminneq eqqangassaatic pinngortitamut qimassanngikkaat akisussaaffingivaat, pisortat isumalluutaassanngillat kisiannili eqqangassat ukiorpassuarni Nassuttuumi qimaannarneqarnikut amerlavallaalersimapput

INUIT ATAQATIGIIT INATSIARTUNI



iliuuseqarfingalungillu, taamaamat paaserusuppara pinngortitamut eqqangassanik qimatsisartut pillugit inatsimmik sukaterisoqarniarnersoq.